

嘉興府志卷三十三

嘉興府知府 伊湯安 重輯

物產

嘉興物產與杭湖大槩相似常有者不必載也至元以下諸志累數百名略不疏注出處餘如萬歷嘉善天啟嘉興平湖各縣志多加箋釋又嫌泛濫今取史志及名人文集說部之書專紀嘉興物產者錄於篇非以誇所出之宏多特藉以覘物土布利之宜爾志物產

穀類

嘉禾

黃龍三年夏由拳野稻自生改禾興縣三國吳志成化

嘉興府志

卷三十三

物產

九年秋八月嘉禾生

明楊繼宗嘉禾記成化九年秋八月秀水縣時清北都暨象賢十二

思賢三十二等都嘉禾盛生遠近咸有郡人范俊等以盆植之馳獻於府每莖離根二節節間又生三莖秀三穗或生四莖五莖秀四五穗者亦有之但不如二穗三穗之夥竟畝計之一莖三穗者或一二百莖一莖二穗者或數千百莖本府經歷司蓮缸內栽稻二本亦如野外生莖秀穗考嘉禾志吳黃龍三年由拳南都野稻自生改名禾興志瑞也赤烏五年因立太子和改爲嘉興避諱也自黃龍三年距今癸巳歲千二百六十有七年而嘉禾復生乃氣運循環使然也用附於志以記歲月云

杭

嘉興物產杭有香杭早花中秋晚花黃籼白芒赤芒

香稻烏稻八月白鐵稈青蘆花白秀水物產杭有箭子

稻香杭稻大籼小籼早白稻晚白稻赤芒白芒早稻烏

稻大烏芒小烏芒烏鬚烏兔灰稻大黃稻小黃稻青頭

光青芒稻馬鬃烏鶯脚黃靠山青麻子烏赤和晚陳小

白稻雪裏揀了田青雀不知紅稔黃粳和閃西風百日

赤三朝齊八月白中秋稻六十日稻再熟稻靠籬望救

公饑嘉善物產香秈烏稻香稻早白稻早中秋黃芒野

稻黃和黃穞中秋稻六月紅銀杏白寄子稻鐵稗青靠

塘青晚白稻山白稻周家稻雀勿知平湖物產香稔稻

又名紅紫芒稻紫殼雪裏揀色白粒大稗蘆花白即晚

早白稻揀選稻雀不知秋初石門物產早稻廣稻晚稻

黃稻早稻將軍稻秋分稻三穗千烏龍稻香粳稻雞骨

黃木樨黃蠶磨子綿環稻授時通考欽定

嘉興府志

卷三十三

物產

赤米 江西種或云江北泰州種晚植早熟惟桐鄉有之

楊園集國朝張履祥赤米記吾邑四平無山陵川

澤之間土滋田沃宜黃白稻民間所植秈一而粳十其

大較也然每獲輒有米雜於其間雖歲去之來年復如

故越境即否竊嘗疑之以問農叟叟歎曰此須公遺愛

也予曰如何曰萬歷戊申夏五月大雨田疇淹且盡民

以溢告公撫慰之勸以力救不得已則棄田之已種者

而存秧浹日雨不止度其勢不遺種乃豫遣典史賚庫

金若干夙夜進告糴種於江西而已則行水勸諭且請

於三臺御史乞疏免今年田租以安民心十餘日穀歸

分四境糶之教民為再植計月餘水落而秧已長民猶

疑之將種黃赤豆以接食公曰無為棄穀也益勸民樹

穀其秋穀大熟賦復減十之七民以是得全其生者甚

衆他郡邑弗及也是穀晚植早熟不刈則隨落後雖他

植厥種恒在田間歲復歲不絕予聞而德之不可以無

述因書其事而論之曰公既去民作祠公矣其官於

朝也民之以役至京師者莫不謁公其歸華亭也民之

過其里者亦莫不謁公公待以鄉人之禮歡然道舊父

兄子弟至今述之以為美予嘗拜公祠考其碑志凡公

之泣吾邑者期月而已乃其德之入人若此深哉豈非親上之誠本乎天性長民者苟以如保赤子之心臨之則雖聞其聲瞻其容貌猶將沒世不忘况乎公於我民不啻起道瑾而樂利之也後之美田疇長子孫孰非公之賜宜其遺澤之長久而不息也不然三歲貫女莫我肯穀碩鼠之詩風人致怨豈徒然乎須公名之彥南直隸人萬歷間進士累官光祿卿卒于家

糯 嘉興物產糯有白殼烏糞雞脚鰕鬚蟹爪香糯陳糯

蘆花糯羊脂糯蒲子糯秀水物產糯有金釵糯珠子糯

硃砂糯胭脂糯佛手糯竈王糯西洋糯麻筋糯羊脂糯

烏鬚糯芝麻糯榧子糯趕陳糯羊鬚糯鐵梗糯閃西風

香糯晚糯嘉善物產趕陳糯羊鬚糯羊脂糯蒲子糯觀

音糯榧子糯茄子糯蟹爪糯蘆花糯菊花糯平湖物產

金釵糯

粒長

鷺脂糯

一名羊脂糯

虎皮糯

色斑

十月熟馬鬃糯榧

子糯西洋糯羊鬚糯蘆花糯

麥 平湖物產有赤剥麥無芒殼

豆 石門物產有梅豆含豆香珠豆囊帶豆一茶匙眉莢

豆僧衣豆桐鄉物產有舜隆豆

以上定授時通考

欽

梅豆獨

產於桐鄉下種於清明後成熟於大暑前相去百日耳

得利亦最速豆葉豆莢頭及泥入田俱極肥以梅豆壅

田力最長而不損苗每畝三斗出米必倍但民食宜深

愛惜不忍用耳

補農書

粟 有鬱粟穗莖如勾故名其實與高粱同藁秸亦可代

薪增訂教稼書

蔬類

菘 箭幹者色白味輕而脆扁者色青味重而腴四時可

用而冬月旨蓄其用尤尚倦圃蒔植記

芥 芥多種以春不老為第一國朝譚吉璉鴛鴦湖權歌菘菜但攜春不老

蕓薹 各縣出冬種春生收子搗作油民利之大清一統志

國朝曆廷楫臺菜詩晚菘未著花早菘初作臺田家春雨餘盈筐更盈襖節取旨蓄計但勿撥根芟蹴踏非輕凌燥濕因時栽吳鹽什一之塞瑾充瓶壘火食亦生茹山厨可常開吾歌伐檀章飲食必程材糞殮寄麓爨舍此孰與借梁肉豈不甘君子審所來願言係歲寒相守無嫌猜

恭 甜菜至元恭與甜通因其味也本草綱目葉青莖白狀類

嘉興府志

卷三十三

物產

四

白菜但差小耳陸放翁云吳地四時常足菜一番雨過

一番生北聖抱瓿錄

苦蕒 苦菜即苦蕒春初生苗有赤莖白莖二種莖中空

而脆折之有白汁葉綠開黃花如初綻野菊本草綱目案苦蕒

一種至元志柳志有之劉志刪去後人亦鮮識所謂苦菜者矣伏讀高宗純皇帝御製月令苦菜秀詩注顏氏家訓苦菜生於寒秋更冬歷春得夏乃成今中原苦菜如此又江南別有苦菜似酸漿子大如珠或赤或黑今河北謂之龍葵世以此當苦菜乃大誤也幾餘辨物以正千古訛傳可知苦菜以味得名南北正自相同許氏說文以為吳人呼為苦蕒是也禾志舊有此名今恭錄御製詩注附訂於此

白苣 生菜至元白苣不可烹煮宜生掇去汁鹽醋拌食

故稱生菜本草綱目

蔓菁 四時皆有又謂之諸葛菜通雅居芥菘之間而佳處

在根為多北方攜種吾土可植

蒿 軟美帶香與菠菜相上下以上倦圃蒔植記

葱 平湖種香細過於太湖蠶種又一種名龍爪葱浙江通志

明彭孫貽龍爪葱詩青倩傳奇種春尖笑不如雨工溼女拍草聖右軍書薤露探珠得胡糝攬電餘麻姑休狡獪指爪漫脚蹶

漫脚蹶

薑 五月生苗如嫩蘆秋社前後新芽若指名紫芽薑采

食無筋膜秋分後采者次之經霜乃老分湖稱蟹極肥

搗薑薦之北墅抱甕錄案時薑法冬月窖藏其種以

多業此秋後新薑噴堪致遠至元志柳志未載劉志始列于目始明季而時者為多數

嘉興府志 卷三十三 物產 五

菱白 亦名雕胡性宜水河泥壅根逐年移之則心不黑

芋 紫梗者佳一種名波羅芋香甜益人

山藥 本地所產止當食品不堪入藥以上倦圃蒔植記

百合 白花者味甘而有清香其色如玉服之極清肺川漢

紀略百合根既美花復芳潔補農書

筍 燕來筍味甚鮮春社燕來乃出較他筍獨早故名繼

此者名哺鷄筍矣濮川紀略古橫山筍香號蘭花筍澉浦詩話

只瓊遊山記及山巨竹干挺醞筍而食肉雖美不能過也

有去年疏翠園官笑指輕雷後迸新泥斜碎籬邊乍見又穿過薜蘿背記先嘗最是江南果然燕子來未猶憶

曉垞煙際山童擔向水市正採桑時候除了蠶娘更無人諱花乳甌香朱櫻樹晚相逢長是待何日玉版閒尋青

鞞重訪蕭寺 吳龍輔憶古橫山蘭花筍詩最愛古衡  
筍春來發嫩芽 珍羞配松蕈香味逼蘭花一自離鄉久  
徒為遠客夸瓦鏹和  
露煮羨殺近山家

蕈 松花蕈山之有松者皆產惟陳山東麓為多三月間

松花入土至四五月經雨後即生至八九月又生鮮肥

滑嫩素品之上味也他如玉蕈松蕈雷蕈胭脂蕈味皆

不及 九山志

馬蘭 氣香性涼嫩時可食 倦圃葑植記 國朝屠廷

徧原麓碧葉綠紫莖二月春雨足呼兒競采擷盈穢更  
盈掬微湯淘蟹眼辛去甘自復吳鹽點輕膏異品共饗  
熟物儉人不爭因得騁所欲不聞膠西守  
飽餐賦杞菊洵美草木滋可以廢梁肉

匏 地蒲出嘉興又一種屋蒲可以為匏

嘉興府志

卷三十三

物產

六

瓜 嘉興有甜瓜一名香瓜小者名金鷄蛋 以上浙江通志

南瓜 愈老愈佳少水緩火煮令極熟味甘膩且極香 北

抱甕錄

絲瓜 香者最勝 倦圃時植記

茄 一名落蘇 本草拾遺 國朝屠廷楫蒸茄詩兩長

流匙滑合喚東坡為甚酥  
自注禾人呼茄為酪酥

菜類

苧 每歲可三刈取其皮治以為縷擇最細者以為苧衫

北墅抱甕錄

麻 東路田皆種無桑者亦種之 補農書

木棉 地產木棉花甚少而紡之為紗織之為布者家戶習為恒業不止鄉落雖城中亦然往往商賈從旁郡販棉花列肆吾土小民以紡織所成或紗或布侵晨入市易棉花以歸仍治而紡織之明旦復持以易無頃刻閒紡者日可得紗四五兩織者日成布一疋黹脂夜作男婦或通宵不寐田家收穫輸官償債外卒歲室廬已空其衣食全賴此

湧幢小品 案海鹽圖經引此以為禾書情形大抵相似故備錄其說

木類

桑 詳農

白桑有花無實黑桑有實無花飼蠶須種白桑欲收紫甚為藥明目延年則黑桑亦可種十分之二也

嘉興府志

卷三十三

物產

七

倦圃詩 植記

柘 柘湖中小山生柘樹因以為名

閒廳括 異志

梓 吳王好起宮室天生神木一雙陽為文梓陰為榭柎

吳越 春秋

烏曰 嘉興種者極多樹大或收子二三石可壓取油

農政

全書

楓 爛溪夾岸多楓亦名楓江

新溪雜咏 案楓白二物 嘉善章志嘉興湯志誤合

為一今 訂正之

梧桐 梧桐鄉因夾岸皆梧桐林故名

嘉禾百 咏注

松 及山稚松萬株環合無路

清江 集

柏 檇李亭在西郭二十七里外亭背古柏凡十有八夾

路擁腫如畫姚綬本橫山草堂中雙樹蓋二百年物也

東一樹開花不實西一樹不花而實實如串珠著蒂一

顆紅紫可食鳥亦爭之其上一顆青碧色在樹便出根

芝墮地抽長成樹婆婆虬曲蒼翠鬱盤湧幢小品以為

陰陽柏云崔培元橫山草堂

槐 城南真如寺有老槐天矯若龍陰覆一庭味水軒

棟 棟樹花開攬眼弗開禾

榭 城東北隅有榭子樹傳自西竺來者獨石居

檉 一名西河柳嘉興產草

嘉興府志

卷三十三

物產

果類

檇李 徐園李甘脆異常而核之半菽無仁園丁用石壓

其根使旁出而分治之一樹結實止三十餘枚相傳即

檇李也紫桃軒淨相寺產檇李每顆有西施爪痕鴛鴦

歌俗名潘園李大如羌桃至熟猶青核最細味極佳春

秋越敗吳於檇李在石門桐鄉之間遺種至今不絕青

文獻 國朝朱彝尊賦并序嘉興古之檇李也檇遵

為切訃慎說文解字從木有所擣賈思總嫁李法臘月

中以杖微打岐聞正月復打之是子殆擣之義歟府治

西南二十里舊有檇李城今蕪沒李惟縣東二十里淨

相寺有之近苦官吏需索寺僧多伐去將來慮無存矣

考之圖經俱不載因體物成篇辭曰植物有李兮應玉

衡之星精受命南國兮特以檇名產維揚吳會之交兮

載于魯春秋之經既殊河沂之黃廷兮亦不類房陵之



縹青夙傳九標之稱允宜五沃之土自空城之蕪沒遷  
 淨相之梵宇獲要術于齊民授靈方於老圃甄著樹以  
 分岐犁不耕而用拊當其溫風始至法苑徐開井上勿  
 遺糟食林間怡有禽來價方高乎朱仲種不讓夫顏回  
 果熟偏蕃枝低易拜漿均玉乳之梨品勝紅雲之柰相  
 珍果之離核縣弱縷而虛中異懷仁之桃杏必待嫁而  
 分叢宜登玉盤宜沉水水雪素藕而並陳配甘瓜而兩  
 美傳諸故老一事矜奇遇入吳之西子麝脂之匯舟移  
 經織指之一指量心賞之在斯何造物之工巧兮化干  
 億於來茲雖彼美之云亡兮髣髴若或觀之人工巧故  
 鄉兮雖小物而增慕矧俊味之得嘗兮信土產之有素  
 恨圖經未之及兮迺宣毫而作賦 宋張堯同淨相佳  
 李詩地重因名果如分沆瀣漿因思吳越戰未敢盡情  
 嘗 國朝曹溶詩泥水蟠根奕葉長筵前冰齒得仙  
 漿上林嘉種休相借驗取夷光到甲香膚如柰子能加  
 晚液較楊梅特去酸江北江南無此品傾城傾國借人  
 看水晶簾敞綠成陰結子春回報好音徐納晚涼湘簾  
 裏一杯水雪試浮沉微物何堪鼎鼐陳公家宣索薦時  
 新年來無復街頭賣愁殺文園病渴人青綃圓轉密交  
 枝遶蒂中懸玉一絲莫怪幾回停食指傷心吳越被兵

柰 嘉興錦帶河旁多栽李柰果子名巷取果珍李柰之

義 鄒志

梨 語兒梨初號斤梨其大者重至一斤陳振謂語兒當

為禦兒蓋地名梨所從出也曲洧舊聞梨處處皆有而種類

殊別如禦兒梨之類甚多圖經本草禦兒梨即玉乳梨之訛

或云禦兒一作語兒地名也在蘇州嘉興縣見漢書注

本草綱目宋陸峻題醜梨詩并序醜梨出邑之東貌

雖惡而風味絕勝聞嘗進御因賦五言灰貌凝清古霜

津溢脆甜面嫌湯後白心慰邑中黔美實鍾寒谷珍嘗

近御隘彼妹徒冠玉爭得似無鹽國朝朱彝尊鴛

鴛湖權歌木犀花落搗成泥霜後新橙配

作壘猶恐夜深妨酒渴教添玉乳禦兒梨

棗 鹽官棗出海鹽紫色味佳打棗譜正德間崇德民蔣觀

素事鍾呂好植果木一日有老人過門曰我有棗枝可

種也蔣受而植之明年即生佳棗肉且離核墜地即碎

至今存焉人以爲仙種七脩類稿

嘉興府志 卷三十三 物產 十

桃 桃多佳實金桃墨桃水蜜桃悉名品也倦圃詩聞溪

即王江涇多矮桃長不盈尺結實甚巨而佳有穀堂詩注

柿 自新塍至王江涇俱屬柿林鄉以產佳柿名新溪雜味

香櫞 周寅所居舍旁植櫞樹極盛續魏塘紀勝

楊梅 惟黃沙隴邵灣植之再續澈水志

石榴子 五代吳越王錢鏐改石榴為金罌本草綱目

銀杏 屠氏太和堂即南宋潘師且故園堂極宏敞今蕪廢久矣猶存銀杏一樹垂蔭畝許陳興公詩教戲作大樹請封表略云老幹參天敢曰武侯遺柏濃陰而地竊分名伯甘棠雖春日催花難憑羯鼓而秋風課實堪佐

吳筐桐葉偶書

葡萄 東塔朱買臣墓有瑣瑣葡萄紫桃軒雜綴

栗 及山僧舍北牕灌木一林葉未黃落寺僧撮新栗以

進猶帶芒蝟取其實嘗之味若巖桂之始花曝書亭集

藕 花白者勝倦圃蒔植記 國朝譚吉璉鴛鴦湖權歌橋李城南范蠡湖野桃花落點春蕪湖

中種得揚池藕得似西施臂也無

菱 兩角而彎者為菱四角而芒者為芰吾地小青菱被

水而生味甘美熟之可代煖飯其花鮮白幽香與蘋蓼

同時正所謂芰也此物東不至魏塘西不踰斗門南不

及半路北不過平望週遮止百里內耳紫桃軒雜綴 哥窰蕩

嘉興府志

卷三十三

物產

十一

菱與水紅菱相似而大倍之味極鮮美中秋後始有烏青

文獻 平湖菱出馬澆者為上有大小二種北墅抱甕錄 南湖產

小青菱別是一種漁洋先生曾以之入詩禾人呼為南

蕩菱雪泥鴻爪錄 國朝李符味菱夢橫塘詞鏡花

半塘秋水斷浦歌沉夕陽人遠采殘煙際喚雙撈並撥

就賣湖邊船頭載蘋風起蟾蜍股疊晶盤付尊前素手

輕擘紅碎嫩玉分嘗便雪藕也輪甜脆過重九吳娃都

散蝶葉參差剩寒翠更煮浮根鼎娥傳送當園蔬銷醉

倦圃蒔植

芡 雞頭大而糯者方佳杭州綠芡種傳於吾土也

花類

嘉蓮 嘉定癸酉郡學池蓮並蒂至元志 康熙丁丑六月舍

南池上紅蓮作並頭花時太守廣寧黃公治其廨彝尊以公嘉績之所召也遂以花奉公齊江淹蓮賦曰一為

道珍一為世瑞因以道珍名堂為文紀之云

曝書亭集 宋潘友

德嘉蓮圖記物之自形色於天地間者豈求知于人哉自連理之木合穎之禾人指為瑞物亦以瑞應之天人相與之機果在是乎柳子厚賀嘉蓮有表蓮之瑞始著近世以來證為休祥形諸贊咏蓋不一二數也歲在癸酉禾與鄉校池蓮並蒂子吟動色相慶且圖之以需其驗予謂此邦實唐宣公父母之國今天光密邇上德薰陶寺丞商公又以儒術治郡作成教養之餘土宜自奮安知無論諫仁義不負所學者繼踵而出乎寶與賢能適時也諸君勉之  
國朝郡守黃家蓮凝香亭瑞蓮詩序余治禾之二年有蓮並蒂開竹琤太史家余構堂適成太史持以相贈為作道珍堂記明年六月凝香亭蓮花大開有一花結子矣復從子問吐花子十有六花如其數燦然蓮房之上賦詩者紛然遂為一時盛事

嘉興府志

卷三十三

物產

三

千葉蓮

石門錢林村證聖院前有池種千葉蓮

浙江通志

野蓮

永安湖中央有土方數畝高出如臺產紅白蓮蘋

花芡實類皆野生

續澈水志

牡丹

北地牡丹種無高大者余在嘉興所見迺有丈餘

者開三五百朵他方未嘗有也

五雜組

元吳逸谿名性誼

所居城廬植牡丹一本久而未花是歲臘月忽作一花

顏色鮮美無異春時士大夫來觀者其門如市來秋延

祐丁巳吳領鄉薦邦人榮之以為此花之徵在是

廣客談

芍藥

雖無佳種惟培溉有方花亦頗大有紅白紫數色

北墅抱 葵錄

梅 嘉興江梅最多綠萼為佳又有紅梅玉疊諸種浙江通志

黃梅 沉香湖之南丁氏世居有古黃梅一樹魏塘紀勝

玉蘭 五代時南湖中建煙雨樓樓前五蘭花瑩潔清麗

曹庭棟詩寒林別釀一般香四百年來飽雪霜老幹槎枒橫水畔花光與月共昏黃

山茶 沈銓部白生監稅荊州移滇茶一株植家園作高

齋對之六研齋筆記東塔思林僧房山茶七幹交挺皆大如

棋柱五百年以上物也每春時著花萬餘望如錦堆味

軒日記

海棠 白苧村顏氏有西府海棠四株極高大著名禾地

嘉興府志 卷三十三

花時士女遊觀甚多馮李詩繫 國朝王庭題顏氏海棠詩顏家主人有奇趣疏林小

隱城之隅春風東來發芳樹其中海棠開數株顏家海棠實難得不獨天生好顏色千年老榦今作園百屈繁

枝下成黑花開照耀十畝紅滿前爛漫一望同紛紛開落了未歇一月二月春濛濛往來觀者行不斷畱將佳

句書題滿主人愛此無厭煩我亦欣然那辭懶賦君之花為君娛何須買醉一傾壺問奇我土愧蕪穢但看顏

家海棠 絕世無

桂 巖桂俗名木犀黃色者為銀木犀赭黃色者為金木

犀四時有花者為四季木犀其花層節生枝間者為角

犀聚生枝頭者為毬犀節候至此重又暄和謂之木犀

蒸上聲吾地桂之大者屠氏二桂今在西關外蔭映可畝

許次者錢氏四本亦在西關外包氏四本在南湖上諸

花止一放獨桂再放或有三放者故以先放者為頭木

犀續放者為二木犀桐葉偶書吾郡東南莊曹圩有四桂相

傳元時物今不存矣康熙辛酉淄川唐豹岩夢賚南遊

猶及見之有詞見志雅堂集柚堂續筆談國朝唐

錦囊壺貯餘杯小艇無塵累問前村金粟正飄香道采

菱和歌鄉是叩華門綠天釀成香國素松齏齏皆孩稚

憐玉樹音停瓊花觀菱月中僅見如此似杏彩女冠閉

雙扉又翠羽釵頭碎鶯飛占斷秋光約佳名園差強客

意從月姊奔來靈根親種遺凡世除作和玉鼎人間無

此佳味曾舞罷霓裳搖殘魂通身玉露銀河水囑公

等休去虹橋咫尺吾將自此仙矣有同遊抵掌話昔時

道湖上輞川試訪之見槎枒歲年難計天風亂落金屑

快飲稱豪事更探東郭柴家綠幄踈地無緣

共醉一秋好事盡看花謝鴛湖我已觀止

菊 其品最繁嘉善袁顯號菊泉繞池種菊凡八十餘種

嘉興府志 卷三十三 物產 十四

孫子奕所種至一百六十種今所見惟三十餘種耳嘉善

章濠股塔院主僧道吾所植菊皆秘種若玉甲西施披

金紫絨者尤其所秘也味水軒甲辰閏九月在箕城有

李汝耕者以手葺菊十餘本見貽為立佳號歸藝家圃

白者笑雪窩玉瑣瑣鸞頂黃者黃鶴仙金瑣瑣紫者步

障嬌紅雲朶臙脂顫粉色者文君頰玉環醉赭者晴霞

幔紫桃軒

蘭 秦蘭出秦駐山其種絕貴再續漱水志

蕙 一名九節蘭花有餘香實不足倦圃蒔植記

樹蘭 葉類桃四月開花大如珠其口如瓶旁有四小葉

色淺綠今海鹽有之

澉浦詩話

玫瑰 近得一種高二丈花作重臺大如芍藥

倦圃詩植記

紫藤 城南西板橋至項襄毅墓下紫藤花最盛

新纂國朝

譚吉璉鴛鴦湖櫂歌板橋南畔更西去一路青林絡紫藤

凌霄 郡城隍廟清逸房凌霄一本緣大柱而上扶疎

蔭蓋花極繁茂相傳宋初時物

醉里耳餘錄

錦帶 嘉興錦帶河民居有營錦帶軒者傍植錦帶花多

名人題咏

浙江通志

鷺絲菊 一名露水菊實則野花也葉尖不似菊花小叢

瓣色香並似菊秋初即開最久

掃庵詩注

嘉興府志

卷三十三

物產

蜀葵 有單瓣千葉之別色有深紅淺紅紫白種種奇異

紫黑者名墨葵最貴

秋葵 黃花綠葉紫蒂檀心與芙蓉前後開放枝葉亦復

相似

以上北墅抱甕錄

萱 草花有金萱蜜萱

六研齋二筆

石竹 千葉者名洛陽花

花譜

鷄冠 水墨色一種為最奇

張雍敬鷄冠花譜

鷺粟 禾中產鷺粟相傳八月十五夜俾女郎解衣播種

則花倍繁

鴛鴦湖櫂歌注

按草木種類甚多見於秀水李志者有夜落金錢水木犀漢宮秋少年見於嘉興湯志者有金蓋花剪春羅

剪秋羅僧鞵菊見於六斫齋二筆竹嬾草花帖者有迎春淡竹番菊線穿牡丹纏枝牡丹六月雪紫花地丁白花地丁金絲梅柳穿魚金絲荷見于嘉興何志者有萬壽菊西番蓮佛座蓮秋蝴蝶見於松桂堂詩集者有小青西施夢鳳毛龍膽鷄啼牡丹八仙烏絨見於北墅抱甕錄者有秋牡丹雙鸞菊紫鈴名目各殊形狀不一又遠方他卉而吾土可植者倦圃時植記有含笑龍頭紅蕉藤本紅綉球等類今總記於此

草類

藍 俗名青每年於二三月間下子佈種

海鹽續圖經

茜 嘉善茜溪出茜草故名

名勝志

荷花紫草 草生田中花開如茵可坐臥遊人藉此泥飲

鴛鴦湖權歌注

淡巴菰 其性辣而驅寒向產於閩廣今嘉郡多知樹烟

嘉興府志

卷三十三

物產

其

鄉城區圩佈種森立不惟供土著之需抑且比閩廣之

所產矣 海鹽續圖經

茅 白茅春生芽布地如針俗謂之茅針

菅 一種長八九尺不等初生時牛喜食之葉甚快利傷

人如鋒刃其幹如指大者可為織壁編籬之用 以上本草

粵蕉 有蕉而花者綠葉朱英元實始生若青荔本粵產

張履祥粵蕉記

菖蒲 書室中小盆菖蒲忽見花五六穗如水蓼之狀而

蒼碧色其花蒙茸應劭風俗通以為菖蒲花難得見人

得食之長年此亦奇矣 味水軒日記



半枝蓮 產雲岫庵後可治蛇螫諺云識得半枝蓮可與  
毒蛇眠再續澈水志

蘆 蘆場二千餘畝歲得薪五萬餘束王希呂精嚴寺記以嘉興

蘆地賜西安王元史文宗紀

荻 邑中諸湖惟鷓鴣湖與賁湖為大橫湖長湖差小岸

曲彌望生荻葦深秋白花雪映水色蕭遠海鹽圖經

竹

雙竹 宋政和甲午嘉興縣尉舍東有竹其幹合生東堂集

笙竹 吾郡風物極佳者四村笙竹筍紫桃軒雜綴

鳳尾竹 長不盈尺纖柯婀娜翠葉森發北墅抱甕錄

嘉興府志

卷三十三

物產

十七

方竹 遠來之種為奇此土可植筍雖微苦而過熟仍甘

倦圃蒔植記

羽類

五色鳥 郡城東鳳凰洲隆興元年有五色鳥飲啄其上

嘉禾百咏注

鴛鴦 宋聞人滋南湖草堂記曰樵李東南皆陂湖而南

湖尤大其禽多鴛鴦故名鴛鴦湖名勝志

鶴 嘉善縣鶴湖中舊嘗產鶴明一統志

鶴 似鶴有灰白二色魏塘紀勝

錦鳧 及山下有三湖青渟黛蓄與天一色錦鳧往來可

畫清江集

鴨 嘉興人養鴨兒因作阿子歌 樂府注

鷺 北蕩有南宋高尙書鷺鴨池 雷素堂集

鷗 南湖百二十頃其禽則鷗鷺春鉏 聞人滋南湖草堂記

雞 八月線雞九月伏雞 補農書

鴿 內府藏本鴿譜自鴿房錄出其名自嘉興花臂破玉

至臥泥挾翅共九十四種 讀書敏求記

黃雀 海邊小魚所化 吳地記 雅山之北有紫蕩皆黃茅白

葦秋間黃雀不知其何來飛集其間至夜深土人以網

張四圍逐得之有二種一名蘆雀味少劣 乍浦九吾鄉山補志

嘉興府志 卷三十三 物產 六

稻熟時張羅以捕黃雀北則陶莊南則馬疇所產獨肥

喻物者比之披絲朶頤者侈為珍饌 小丹邱客談

秋鳥 八月中乘西北風起迎風而來成羣飛下土人網

取之一網可得兩隻者名畫鵠四隻者名花雞八隻者

名鑽籬 乍浦九吾鄉屠康僖墓在乍浦陳山山濱海山

木蓊鬱每西風起有鳥自海外來集於樹土人張羅持

竿捕之大者曰畫鵠中者曰花雞小者曰鑽籬剖其腹

有青椒其骨甚脆號為秋鳥 靜志居詩話 明沈懋嘉秋鳥詩陳山西麓海東頭

細網長竿帶綠罽買得山禽如粉脆屠墳十里稻花秋

饑當筵往往羅珍錯歲晏齋厨有餽遺園官菜把嫌澹泊江邨先生真好事方物遠貽資大嚼乍浦秋鳥信一

奇瓦鯁泥封驚創獲書言此鳥產海外朔風吹向屠墳  
落黏羊巧取送飲流腹腴項鬣皆可卻欲證注疏失羽  
毛但憐背爪同鋒鏑輪囷不數載毛鷹肥澤殊勝披綿  
雀深杯屢倒慰老饕燈下盤空贖糟粕新詩乍始賦了  
哥險句今還續鐵脚毋煩使  
者火急催此際枯腸幾回索

札山看火 鳴則桑葉貴 猶石居詩注

烏 元至正七年嘉禾城西有烏數千營巢於地圍八尺

崇五尺吳僧本誠著烏城志五百餘言 宋學士全集

毛類

豬 正德中禁天下養豬一時埋棄俱盡嘉善縣民陳姓

穴地養之遂傳其種 浙江通志

貓 蠶時畏鼠盜食家必畜貓 小化書 國朝沈岸登蠶貓詩桑柘陰陰泊網船

嘉興府志 卷三十三 物產 十九

買魚歸去柳條穿裡奴將子  
貪眠食又費先生糶米錢

獺 水居食魚他處獺祭魚則四方陳之惟嘉善近河多

小廟獺必進魚於廟祭之 浙江通志

鱗類

金魚 秀水縣月波樓下為金魚池唐刺史于延贊得金

鯽于此後為放生池 名勝志 隱真院在城東南昔有方士

于此修煉化去中有一池生魚多異色 猶石居詩注

鱣 有花白二種白者佳 再續澈水志

河魴 正月貴河魴往時人罕食者今則珍為名饌 見只編

國朝末鱣尊駕為湖權歌聽說  
河魴新入市菱蒿荻筍急須拈

斑魚 似河魴而小怒則腹脹如鼓色斑有點味亦美肺

尤佳前人有詩云忽憶夏湖風味美斑魚黃雀寄來無

浙江通志 案 夏湖在嘉善縣

銀魚 吾鄉風物極佳者相湖銀絲魚紫桃軒 雜綴

菜花魚 一名土附新纂 國朝錢載菜花魚歌一湖南北兩湖長水網牽還岸網張燕子

飛來山筍出菜花魚上菜花黃巨口細鱗香比鱸也名土步出西湖貓頭荷更松花葦宋嫂羹湯定是輸王

焯菜花魚詩吾鄉風味重水族菜花鱸魚味簇簇正當油菜花開時艇子瓜皮榜溪曲此魚引隊出花間一笑

牽絲舉答簾嵌珠如露高點眼孕子如萍肥滿腹重唇兩腮雪翻鱗纖鱗輕骨花映肉已勝越水垂腥涎真似

吳淞切香玉越水吳淞未足誇春江更比秋江綠花開花落釣船歸所喜年豐鮭菜熟日斜醉倒菜花溼醒來

還把一竿竹

嘉興府志

卷三十三

物產

三

鱖 亦作鱖春初肥美捐石居 詩注

鮠 鮠魚食土名曰蕩鮠并不必撈草池小則畜鮠魚補農

書

石首魚 海鹽出大清 一統志

鱔 海鱔最稱上品但一二見不能與江產爭多見只 編

鱖 產海中重至一二百斤者可作鮓味極美然不多

有 再續 澈 水志

鯊 犁頭燕尾有齒無鱗周身裹沙齒鋒利又有虎頭鯊

身黑尾尖得之惟堪炙油不中食

鱒 啖雄白殊勝腹子者以上見 只編

跳魚 蘆瀝巡檢范廉卿長騎射雖海塗上跳魚子蟹之

細捷射之百不失一 樂郊私語

介類

龜 萬歷辛丑平湖金某於南門外獲白龜有角 吳志

鼈 康熙辛巳嘉興人買鼈二枚一腹微紅斷其首尾間

忽出蛇頭長尺餘蓋是蛇所化食者不可不慎 述異記

蟹 分湖出 大清一統志 分湖產紫鬚蟹 魏塘紀勝 東西爛溪稻熟

時蟹最肥美霜後者更佳 烏青文獻

鰕 桃花里蠶時軟壳鰕極佳 紫桃軒雜綴 嘉善祥符蕩中產

朱頂鰕 橋李詩繫 明宋嘉賓朱頂鰕詩月色平鋪映碧流孤村寂寞冷煙秋偏憐澤國長鬚侶也占

嘉興府志 卷三十三 三

朱衣一點頭

螺 范蠡湖有西施妝臺池產異螺陰雨輒舒五采 鴛鴦湖權

歌注

蜆 梅家蕩者佳 新纂 明朱國祚梅家蕩權歌梅家蕩口蜆子黃瓜皮曾船七尺長翦取東園

白頭韭蛤蚶風味勝橫塘

蛤 海有白蛤黃蛤

海鰕 白鰕以朱腦菊花心見稱蓋子在腹間如黃粟然

青鰕隻有重三四兩者腊之曰對鰕

白蜆 生沙塗中殼如蛤而薄惟春月肉圓肥無沙

蟪蛄 卽黃甲兩螯極大得卽緊縛蒸食美緩縱則介裏

腥水較勝明州殼中黃實也以上見只編

沙虎、小蟹也殼軟薄穴沙中掘深數尺始得產高公山

南獨山塘側九山志沙虎惟秦駐鳴有之形小如錢而殼

甚軟以鹽酒漬之鮮美可愛再續澈水志國朝吳

雅有遺品佳名補食經芳鮮能醒酒軟美乍開瓶已吸

脂膏盡仍完郭索形家人憐癖好封寄載吳船沈修

齡咏沙虎玉人歌詞漁蠻集有海蠢行沙悄尋踪跡篋

何人喚作於菟悞驚沙隙慣惹酒邊憶撒蘆瀝晶鹽更

和米汁一樣膏凝螯脆不須擘綺筵洗盞還重釘俊味

能畱客記年時就買獨山塘側

編見只

嘉興府志

卷三十三

物產

三

蟲類

蠶詳農桑

禾呼天蠶謂成敗衣食憑之關乎天命因有以

天蟲作蠶字蚕音腴乃蚯蚓名不可以代蠶字小化言案廣

雅蠶地蠶注云世人作蠶字如蠶或蚕並失之廣雅音解係隋曹憲撰則隋世已以蚕字代蠶字

蠋 禾呼桑蟲大如指似蠶小化書桑蟲卽桑蠹蟲別錄日

華蜀本藏器時珍俱收載但未言其治痘痘疹諸書從

未有用之者案桑蟲能祛風而走竄經絡故能發痘然

起發不由根本原氣爲毒所傷今人治痘無不用之其

爲害不知若干人矣本草從新

蜘蛛 長脚者俗呼爲喜子禾呼喜珠又有一種禾呼壁

蟾亦呼壁蟹酷似小蟹又一種跳躍捕蠅尾長曳一絲捕得卽以縛之禾呼蠅虎小化書

蟋蟀 嚴將軍墓每年產一促織爲冠里人爭往取之佳

者名紫金翅狷石居詩注

莎鷄 禾呼麻蚱亦呼紡績娘卽所謂絡緯也其小而赤者名織絹娘

蚱蜢 善跳不鳴視麻蚱殊小在田禾中往來翼小不飛跳亦不遠者禾呼蚱蜢與麻蚱皆腹無多子不害稼非北地之蟲也

蝦蟆 禾呼蛤把亦呼嘎平聲麻子名蝌斗

嘉興府志

卷三十三

物產

三

蟾蜍 大者禾呼癩師以上小化書

藥類

蛇床子 蘇州貢蛇床子三升元和郡縣圖志

枸杞 甘州者良而吾土可植卷圖誌府治子城舊有枸

杞一本數百年物也人初不之異一日風雨晝暝子城

西北一隅疑若龍掛卽而視之惟見此枸杞天矯如龍作鱗而欲舞狀人因以龍形枸杞目之醉里耳餘錄

菝葜 今人藥用多以蘇州者爲勝故謂之吳菝葜本草

紫蘇 海鹽者佳至元志

茱萸 吳茱萸禾郡土產駕鸞湖樺歌注

五加皮 籬用枳橘雜以五加皮枸杞三物有刺可禦暴  
客又五加皮春橘其芽香美可食冬取其根入酒尤妙

補農書

秦椒 枝葉盡綠高一二尺開白花結子長二寸許深秋

色紅磊磊可喜味之辛烈過於薑桂 北聖抱襄錄

龍骨 秀水縣復禮鄉小律原距太溪河六七十里村民

耕田往往得龍骨而未識也永樂間一漁者始識之持

之售于蘇州藥肆中歲以為常豈其地為龍所窟而潛

蛻其中歟 湧幢小品

布帛類

嘉興府志

卷三十三

物產

十四

棉布 龍潭布細密服久不裂 漢川紀略

苧布 澉浦俗善積苧更以織苧布為業 海鹽圖經

絲 吳郡貢絲 唐書 絲各縣出 大清一統志

絲紬 有素紬花紬綾地花紬輕光紬王店紬數種 清一大

統志 濮院所產紡紬練絲熟淨組織亦工 浙江通志

綾 秀州土貢綾一千匹 元豐九域志 綾各縣出唐宋俱土貢

大清一統志

克絲 語溪有克絲 崇德洪志 案宋克絲始見咸淳臨安

志有花素二種淳祐語溪志亦云有之至元志有其名然已久無能織者矣

綿 大環綿以頭繭造成白如雪如弓形甚韌他處所不



及烏青文獻

綿紬 有斜紋木犀之名石門志 綿紬出青鎮烏青鎮志

飲食類

茶 鷹窠山樹皆合抱產類武夷清江集 吾地無山鮮業茶

者昔年白苧陳翁號五洲者其茅亭前籬腳下皆植茶

每春晚手摘焙斤餘藏以自飲間出供客之清勝者風

韻良妙味水軒日記 湯山產茶僅數株烹點亦頗佳九山志 禾

城北徐偃王祠後產茶地小不多得強恕齋詩鈔 海鹽木山

產茶號雲霧茶春星草堂詩集

酒 月波秀州酒名天下名酒記 蘇秀道中有地名五木出佳

嘉興府志 卷三十三 物產 三

酒懶真子 清若空秀州酒名武林遺事 劉延仲寓居秀州見道

人過門疑其異延坐良久日今日適無酒可以為樂奈

何道人笑曰牀頭真珠泉一尊何吝也夷堅志

鹽 海濱廣斥鹽田相望即海鹽與鹽官之地同也太平寰宇

記 嘉屬產鹽最廣如西路鮑郎等場其色多白海沙蘆

瀝等場其色多青青者粒麤且凝成冰塊其味最鹹吳

郡造醬者多利此取其質重而味厚也浙江通志 見

日趁海一則謂趁潮可灑一則謂趁天晴可曬也趁海

先佃海場場一丁其橫九弓長倍之開潭貯潮鑿溝築

墻為界分場為上中下三節近海為下場以潮水時浸

不易乘日灑也其中為中場以潮至即退夏秋皆恆受

灌方可曬也凡潮汛上半月以十三日為起水至十八

日止下半年以二十七日為起水初二日止潮各以此  
 六日大滿故當潮大三場皆沒自初二日止潮各以此  
 日減先曬上場次曬中場最後下場故上中每月得曬  
 二場下場或僅得其一也凡曬鹽俗曰曬灰言其土之  
 細如灰也侵曉先合力用削刀削灰使鬆隨以碌扒碌  
 碎更用篠竿攪使極細極平方擔渾中海水以木瓢灑  
 潑如雨使之勻透曬至哺時仍以削刀收邊用板推夾  
 灰成一長埂以防夜雨明朝仍用翻扒推埂使平更用  
 碌扒碌之篠竿潑水夾板推聚如前盛夏二日或三日  
 秋冬四日曬力方足冬則西北風尤勝日曬也先此周  
 築土圍如櫃長八九尺闊五六尺高二尺深三尺名曰  
 漚漚傍即開一井深八尺漚底用短木數段平鋪木上  
 更鋪細竹數十根復覆之以柴目以草灰然後取場灰  
 填實漚中用足踏實再以稻草覆灰仍挑渾中海水多  
 潑草上使緩緩潛滲入井中成鹹漚可汲煎矣大約一  
 漚之漚可得二十餘擔漚之上者視水百斤加重斤三  
 十上漚沉下次漸在上以石蓮子最重者一粒次重一  
 粒又次重一粒擲漚中驗之上漚則最重者浮否則最  
 重者沉次重者浮也煎法用大鑊二具中鑊一具中鑊  
 遠於火停頓冷漚使熱逐漸添入大鑊取惜薪也俗呼

滴二大鑊為一盪用漚六簷可得鹽百四十斤云大較  
 鹽之盈縮繫乎雨暘貴賤視乎薪價晴久得鹽多雨久  
 得鹽少薪貴鹽價貴薪賤鹽價賤必然之數矣削刀長  
 一尺五寸闊三寸一面口薄如刀用方木一塊鑿口含  
 刀木上著六尺竹柄用以削泥碌扒頭長二尺著齒十  
 四柄長六尺用以碌泥篠竿用細石竹為之夾扒用杉  
 木板長七尺闊七尺裝一木鏹子一人用力持鏹一人  
 用繩捉夾使成灰埂木瓢用以挹漚吊子用竹為柄以  
 汲漚大鐵鏹用以鏹鹽鑊

半邏糕 臘月用四春白糯米置大缸中以水結冰凍之  
 至春暖冰泮取出磨粉炊糕異常鬆美 六研齋三筆

春餅 食之品有春餅 鄒志

鴨餛飩 方回竹杖詩挑上岸頭須記取秀州門外鴨餛

餛 癸辛雜識 國朝朱彝尊鴨餛餛詩禾俗養鴨見  
 樂府歌阿子一雄挾五雌累百喙長水方春穀將出

生意不可止要術啄抱宜而月維定起淺夫計欲速火  
攻迭運徒半體形已呈忽焉混沌死他邦盡棄擲吾黨  
獨見喜劍童屑椒桂竈妾洗毛髓色消黃白斑候斂漿  
汁泮鴨簽晒東京鴨脯屏南史既免治刀砧兼弗礙牙  
齒以之號餽餽莫審所自始得非飲食人桐江方萬里  
記取秀州門竹杖挑入市至今七十坊饌法傳伍氏物  
為愛憎殊畱賓姑舍是二子下著貪謂足勝羊豕作詩  
賞逸味虛谷同一揆不知天地間何者真好美試問厨  
煙生曾否  
動食指

澹牛乳 激浦民家能作淡牛乳 味水軒日記

魚鮓 合路居民繁夥賣鮓者尤眾 入蜀記

烘鰾 海鰾自四月至九月為盛人家烘貯以釘盤案

酒發鰾 白鰾用椒酒烹口咋肉脫 以上見只編

糟鶯蛋 府城有之 新纂 國朝鮑鈔詩陽羨籠中化香糟醞釀成鱸于魚乍壓俊比蟹微

嘉興府志

卷三十三

物產

七

生混沌含真味胚胎亨盛名不圖重下箸當食倍關情

器用類

金粟箋 金粟寺有藏經千軸用硬黃繭紙內外皆蠟磨

光瑩以紅絲闌界之書法端楷而肥卷卷如出一手墨

尤黝澤如髹漆可鑒紙背每幅有紅印曰金粟山藏經

紙後好事者剝取為裝潢之用稱為宋箋徧行字內所

存無幾有言此紙當是唐藏蓋以其製測之然據董穀

以為紙上間有元豐年號則其為宋藏無疑矣 見只編

由拳紙 嘉興故由拳縣其處出好紙 太平寰宇記 寰宇記又云餘杭

縣由拳村出藤紙米芾十紙說作油拳紙書史亦稱為杭油是油拳紙為杭產矣然寰宇記既云嘉興出好紙

則宋時禾產亦有之特今不傳其造法耳  
國朝朱彝尊詩穀皮素紙產油拳不數成都十樣箋題就相思入行字好憑蒼雁寄天邊

梅里箋 里中顧仲清中村製

梅里志

畫絹 密機絹極勻淨厚密出嘉興趙松雪盛子昭多用

此絹作畫 格古論

墨 嘉禾人沈珪往來黃山有教之為墨者以意用膠一

出便有聲稱後又出意取古松煤雜用脂漆滓燒之得煙極精黑名為漆煙每云韋仲將法止用五兩之膠至李氏渡江始用對膠而秘不傳為可恨一日與張處厚於居彥實家造墨而出灰池失早墨皆斷裂彥實以所

用墨料精佳惜不忍棄遂蒸浸以出故膠再以新膠和之墨成其堅如玉石因悟對膠法每視烟料而煎膠膠成和墨無一滴多寡故其墨銘云沈珪對膠十年如石一點如漆此最佳者也滕令諤監嘉禾酒時延致珪甚厚令盡其藝既成即取小丸磨試而忽失所在後二年濬池得之其堅緻如故因謂珪曰幸多自愛雖二李復生亦不能遠過也

春渚紀聞

筆 杭秀間有曹用筆見稱於世

嵩山集 宋晁說之贈筆處士曹忠詩葦管予

何愛輕圓稱白毫固知今獨妙舊數浙西曹

香 合香帶梅花笑蘭衣香

鄞志

薔薇露 嘉興最多野薔薇開白花田家籬落間處處有

之蒸成香露可以澤髮鴛鴦湖權歌注

髹器 嘉興斜塘楊匯髹工鎗去聲金鎗銀法黑漆為地以

鍼刻畫山水樹石花竹翎毛亭臺屋宇人物故事鎗金

調雌黃鎗銀調鉛粉以金箔或銀箔傳之輟耕錄剔犀器

皿元嘉興西塘楊匯作者雖重數多剔得深峻剔紅器

皿元時西塘張成楊茂最得名餞金器皿元時西塘有

彭君寶者甚得名餞山水人物亭觀花木鳥獸種種精

妙格古要論古剔犀器以滑地紫屏為貴底如仰瓦光澤而

堅薄色如膠棗曰棗兒犀元時禾郡西塘楊匯所作香祖

嘉興府志

卷三十三

物產

五

筆記嘉興淇漆以漆器名家夢憶

銀槎 朱碧山所製槎杯有古篆二十八字云欲度明河

隔上闌時人浪說貫銀灣如何不覓天孫錦只帶支機

片石還妮古錄元朱碧山鍛銀器最有名孫侍郎承澤北

海宋按察疏荔裳皆藏銀槎一上有仙人款曰朱碧山

製康熙辛亥壬子間予兄弟與荔裳在京師同施侍讀

閩章愚山沈文恪荃繹堂輩為詩社酒次嘗出此槎勸

酬因屬賦皆張騫事予亦云窮源通大夏鑿空取通侯

蓋本宗懔荆楚歲時記之說然其仙人羽衣幅巾似孔

太乙仙人蓮葉舟之意又拾遺記堯時有巨槎浮四海

十二月周天名貫月槎挂星槎羽仙棲息其上當詠此

事為合居易錄宋荔裳琬觀察藏元人所造銀槎最奇古

腹有文曰至正壬寅吳門朱華玉甫製華玉號碧山武

塘人池北偶談元時虞揭二公各令碧山製槎為壽杯首有

岳壽無疆四字左朱華玉造右至正乙酉年杯底槎杯

二字杯尾詩云云與妮古錄同二十八字圖書碧山二字皆

小篆也苑西集國朝朱彝尊朱碧山銀槎歌孫少

羽觴玉爵詎足算勸我鑿落重三緩槎枵老樹幾千載

霜皮崩剝枝柯刪陰崖自遭鬼斧劈積雨暗齧苔紋斑

尋源之使出想像高踞兩膝頂禿鬻觀其傲岸意獨得

髻鬚歸自明河灣流傳河畔逢織女所恨尚少雙煙鬟

剗中鄉衡入其腹未解刀削何由彎傳之四座叫奇絕

有如白鳥飛翾翾細看欵識刻至正問誰為此朱碧山

嘉興府志 卷三十三 物產 三

良工名盛心益苦顧茲毋乃經營艱主人博搜金石文

向我更話天歷間丹邱先生愛奇古命製芝茵如初攀

當時虞揭相獻醉是物亦得畱人寰自從闖賊躡燕市

大掠金帛仍西還紛紛入肆尋鍛冶否亦道半委榛菅

間之不覺三歎息可憐雙解今成錄吾鄉藝事稱絕倫

奇巧不數古輪班張銅黃錫近乃出未若此老技最淵

殊方促坐但酪酌莫遣酒醒懷鄉關曹爾堪古銀槎

歌贈荔裳長安伏日赤如火曲檻虛亭門不鎖宋公召

我園林遊河朔水盤浸瓜果山雨忽收賓客至出示酒

鎗異恒製枯槎怪石坐神仙周彝漢占應無二元季巧

匠朱碧山市隱泉橋稱絕藝倪黃山水吳典書幾與古

人爭位置羣賢驚詫手摩娑神刀鬼斧曾琢磨西邳好

時葡萄酒南海空矜鸚鵡螺至正年間遭殺慘野火燒

天煙萬斛內府珍裘裂雉頭舊家寶瑟焚蛇腹獨此古

物在人間感慨乾坤同轉轂秘器借藏球貝波斯問

價昂珠玉三百年來貴有徵請檢陶家輟耕錄亟呼從

者傾軛筒恢拓智勇開心胸為慶遭逢落公手藝盤况

出隗囂宮雨美相兼且觴月干將莫邪亦神物枕蛇騎

虎安足愁讀罷長歌歎奇絕宋公本是神仙才文筆

不從人間來何妨跳入銀槎裏御風萬里遊蓬萊

匏樽 巢孝廉鳴盛端明繞屋種匏凡十餘種長如鶴脰

纖若蜂腰杯杓之外室中所需器皿莫非匏者遠邇爭

效之樵李匏樽不脛而走海內靜志居詩話邑人周五峰製

匏杯近日鄉人多用之秀水任志匏樽詩同也資瓢飲悠然見古

以剖心香自發刮垢力須攻不識金銀氣何知陶冶工

尼山疏水意樂亦在其中曹溶匏杯歌郡中攻匏始

王氏其後模倣紛然多各能推擇尚堅樸八月九月雷

霜柯宣武平生誚形似精微已往皆消訛石佛羣僧稱

妙手工惟急就虧指磨流傳空復遍燕粵賤售祇辱幽

人邁東郊周生最晚出家無尺帛顏常醜窮思莽蒼得

其竅盡刷怪詭還中和終年黯慘與神遇歎起奏刀如

鄭梭不規而成妙天質因物纖鉅無偏頗餅疊滿眼總

適用譬若聖教陳四料其間卓絕首觴器琴軒書榻光

相摩捧之宜侯僊佐輩侍坐可斥妖秦娥愚也好古微

骨髓周生之室曾經過持贈不惜倒筐篋若片月來

煙蘿南滯聞填北沙塞塵坳夏擊催沉痾糟邱已墮歡

嘉興府志

卷三十三

伯怨不飲奈此匏者何 李良年詠匏卮古傾杯詞徑  
惹風絲哇翻露葉誰種茅茨下吾家六樣銷沉後解事  
猶傳僧舍平添一架花陰垂垂滿夏霜鎔旋削酒卮紛  
把松子試剝淡著淺香微赭間摒搗蔬筵堪亞念只有  
盆攜老瓦記秀水流傳碧山槎古從此雙論價輕銜最  
好飲伴何處但白恰宜尋朱門定訝歲歲共汝竹溪蓮  
社

黃錫 里中黃元吉台錫為壺極精緻鴛鴦湖權歌注

沈錫 沈存周字鷺雖所製最雅馴有壺以給茶具斗

以飲酒有盃以貯水為筆墨所相須其酒壺以僧伽帽

為上次蓮花又次桃核范湖文鈔

銅爐 里有張鳴岐製銅為薰爐聞於時鴛鴦湖權歌注

泥孩 曹王廟在縣東南三十里民居環廟為市所出泥

孩遠近貨之醉里耳餘錄 國朝譚吉璉鴛鴦湖權  
歌碧瓦珠光火一丸綠楊絲挂采簾乾泥  
孩縱說鄰延好不  
及曹王廟上看

銅 吳東有海鹽章山之銅漢書食貨志

鐵 雅山本產鐵烹冶者以不當爐鞴費幸免傷鑿

石 豐山產色黃而堅土人採為甃築用以上浙江通志 及史二

山產浮石或云出史山者則浮出及山者不然嶽崎磊

落丹赭滿山山人採之以售村民牆垣之用大小不一

而石之所蘊特多細竅若蜂房然以其質輕能浮于水

上遂呼為浮石聽雪齋集

陶 磚瓦出嘉善張涇窑者曰東窑出干家窑者曰北窑

嘉興府志 卷三十三 物產 三

東窑土高窑大火足故堅完可用北窑地卑取土他所

又窑小悶熟者故脆而易壞

冶 桐鄉縣鑪頭村居民以冶鑄為業爐火不絕以上浙江通志